

新印

新音

16
648
1



門 426
號 648
卷 1-2



問 槎 餘 響 序

歲甲申有韓國聘使其製述官曰南氏時


韞記室官曰成氏士執曰元氏子才曰金

氏子安皆從焉自西向東陸舟相移往還

數千里其間投刺通謁以筆為舌詩文唱

酬或三四人或十百人每至驛館輒必並

月 差 余 響 序



進注之蟲魚。程之衡石。多多擾擾。堆案相
仍。自非才擅奪席之雄。學無撞鐘之富。則
殆將凍解於西。而冰堅於東。霧釋於前。而
雲滷於後。試問其退者。曷嘗不謂虛而行。
實而歸。我獨蒙其霑接。要之諸學士。真汪
翔靡所不有。耳才學亦可知矣。其為詩也。

翻窠換臼。不勦不襲。橫心所出。筆受腕運。
變態觸發。唯其所適。是故郵籤輿夫。皆足
寄興。不必靜女。祈父矣。諧詞詭語。皆足觀
感。不必擬漢模魏矣。時韞嘗謂余曰。貴邦
人競進不已。不得不用行雲流水法。中夜
思之。愧汗沾背。士執亦曰。草卒屬篇。雖使


李杜當此未必能盡作清平三疊秋興八
 首益知其所畜有淵源焉。嗚呼世方貴嘉
 隆之偽體乞墻嚇腐爛熟溢目。余所以特
 喜諸學士者以其新也。譬之膾炙翻古出
 新極烹芼之巧則為珍美矣。三朝三暮數
 進而不變臭味俱敗猶以為珍美也乎。人

之嗜膾炙不於新而於腐則世怪且笑之
 獨至嗜詩則唯腐是嚼固獲無遺此亦不
 知類之甚也。蓋詩新者歲月之後第取而
 讀之其色鮮妍如旦晚脫稿墨斗而煙無
 論工不工即使人思其笑語思其志意腐
 則纒離筆研即已陳芻將從何處尋其生

靈耶詩道貴新賤腐為此也。勢州人石川
 氏太一與其諸友同會于韓國四學士及
 醫官諸輩各有唱和筆語。伊藤氏伯守金
 谷之徒也。編錄為卷題曰問樣餘響索序
 因序其由併論詩道新腐之異。若夫金谷
 諸友錦心繡口各出機軸則其人具存欲

知者就而問之可也不復復余言

魯堂那波師曾撰



崎陽平千里書



Blank page with faint bleed-through text from the reverse side.

問槎餘響姓名

勝山	冠峰	淡州	星河	天柱	龍山	雄江	金谷
濃州	荒野	勢州	勢州	勢州	勢州	勢州	勢州
須賀	藤人	桑中	桑大	久屋	久東	朝名	石川
立人	今住	名人	名要	名常	名戀	顯仲	野名
杏	元	君	字公	字子	字子	字先	貞字
士	字吉	祐	樞	壽	惠	先	太一
茂	南						
	勢州						

問槎餘響

東亭姓星野名貞之子元

華陽姓狩野名美濟字世伯

韓客姓名

秋月姓南名玉字

龍淵姓成名大中字

玄川姓元名仲舉字

退石姓金名仁嫌字

慕菴姓李名佐國

丹崖姓南名斗旻

尚菴姓成名瀨字

問槎餘響姓名終

問槎餘響卷上

伊藤維典伯守輯

寶曆甲申春正月二十五日余同諸君會朝鮮
製述官三書記於大坂賓館

通刺

僕石川氏名貞字太一號金谷伊勢州菰野山下
產其先河內人也大湫南宮喬卿門人今也從
師居同郡桑名縣以講授為業方今之時箕封
大東升平百年四民安業因尋舊盟三大使官修

善隣之好諸君子從使節遙涉此土吾儕小人適得接下風而晤語一堂歡喜何極幸辱不鄙許下交實終身之大幸因賦野詩謹呈秋月南君成元二君各案下若賜高和則十襲以為珍已

呈朝鮮製述官南秋月

金谷

一出箕邦涉海來先聲早已

日東開彩毫行紀名

山去何讓浮湘太史才

和石川太一

秋月初書余名余寫曰名之與字之固無益損于余然人將謂公待乃改寫之

秋月

日日書樓抱簡來筆牀強半倦時閑諸君却有遷鶩志老子本非吐鳳才

呈朝鮮國正使書記成龍淵

金谷

翩翩書記度東洋囊裡明珠盡夜光不惜興餘暗投去清瑩他日照寒鄉

和石金谷

龍淵

河源一轍始窮洋南極文星燦燦光刺得殊方風雅盛小楸春色散江鄉

呈朝鮮國副使書記元玄川

金谷

使節當年王事勞難林文史盡賢豪不愁相值方言
異清與熟時揮彩毫

和石金谷

玄川

閱歲浮沉炯水勞水窮山出見羣豪相逢不語還心
識賓席悠然自把毫

金谷

異日聞旌旆之至騁望日夜得登龍門喜出
望外僕固海濱之寄漁未聞君子之高論寡聞淺
見不堪赦愧有嘗畜疑者一二事非犯國禁請賜
餘教龍淵敬諾請奉教金谷嘗聞貴國之人讀書

有回還之讀願以貴國之讀法讀之龍淵民間有

此讀士林不貴之金谷公有令嗣乎龍淵曰有金

問令郎年紀多少龍淵五歲金谷貴府是那裏龍

答系畿道控川縣金谷貴字什麼龍淵士執金谷

公所載名何龍淵繫巾金谷南元兩位亦同乎龍

答毛冠金谷聞貴國之諺文自世宗莊憲王始今

記諺文者字樣扁畫恐當有誤寫敢請改正之龍

問何人書之金谷大湫所書即僕師也既具載啓

文金谷南宮喬卿大湫其號也龍淵把筆大半改正
其時諸子贈詩推案

相仍遂不卒業

問金谷僕所呈詩高和已成未乎答玄川和詩不啻數

首請姑徐徐稟金谷余以贈詩示曰願以貴國音大

大讀一讀龍淵以韓音高吟一通了余以夏音讀過高唱學士二書記馮曰難得難得

金谷今日日之夕矣且將告別明日公等應發不

堪綢繆之至西歸之日再會於此津餘寒不可入

長途自愛三公領之前途有濃州今須驛尾州於

越驛彼驛而有待各位之東遊者伊藤冠峯田勝

山星東亭伊東龍山小屋天柱大為星河冠峯

大湫友人與僕同鄉人也餘是僕之友人也至則見之三公領之余作禮而太

寶曆甲申春二月朔日韓使憇于濃州今須驛

余輩出會製述官三書記者

通刺

僕姓伊東名懋字子惠號龍山久居侯醫官也方

今來學同國桑名南宮喬卿者也今公等無恙

涉此土欣幸何限僕性駑鈍不足出謁但為一二

友人所驅自忘其固陋呈蕪詩製述官南公及書

記成元金三公案下伏乞賜高和韞匱以為我家

珍耳

問秋月君等皆大湫弟子乎答龍山曰然秋月大湫何

如龍山大湫隱居不仕無它嗜好唯詩書自娛游

執之餘放小舸車垂釣耳秋月別號大湫乎龍山

曰然秋月大湫書中無贈物之言龍山大湫書中

當具列再照秋月大湫所遺乎龍山托余呈之秋月

答曰辭之龍山是倭之所製扇子何妨受乎秋月

雖然固辭如公等所贈者一切辭之秋月所和

大湫詩成托誰龍山請托我龍淵公之鄉里太此

幾里程龍山以我邦里數殆三十二里龍淵公來

學大湫者乎龍山曰然龍淵篤志可愛龍山浪

華不見石川太一乎退石病卧不見龍山公衣冠

名何退石冠幅巾衣道袍乃古聖賢所着龍山服

先王之法服行先王之德行可羨可羨唯不知君

之所言先王之法言乎龍山良醫未來乎幕菴我

也龍山僕有詩呈足下敢請賜高和幕菴無一面

之雅而遠來相訪荷荷盛作頓拂塵眸令人欽歎

而芝眉之清秀可謂日東詞宗矣僕是以良醫
為名則詩之唱和不但所掌日迫西山行路甚急
未由奉別以待西歸之日如何不得談話而別別
懷悵悵答龍山今日陰雨滂沱且事出急迫不能賜
高和恨多多若前途幸有意必使人致桑名南
宮喬卿者萬祈又答萬里同技萍水相逢幸之所
示謹不忘失

呈朝鮮製述官南秋月

萬里揚帆指日東由來麗藻一時雄我今堪結金

蘭契此日新知箕國風

次伊東子惠

秋月

針嶺孤樓琵琶渚東洞庭春水欲爭雄
幽篁細雨濃山報珍墨清詩見士風

呈記書成龍淵

龍山

翩々書記日邊來異客襟懷對酒開
聞道山東豪祭士知君今代子雲才

次伊東龍山

龍淵

龍山秀色隔雲來客館花毫帶雨開
弱羽奇章新采

炫片時揮洒信天才

呈書記元玄川

龍山

使臣持節出都城自是高才第一名多少山川勞跋
涉西風可起故園情

次伊東龍山

玄川

琵琶湖上茂根城摺針嶺邊金次名疎樹暮雲行不
盡煩君來問倦遊情

呈書記金退石

龍山

奉使千帆海上懸西風忽送日東天若推敏捷高

名客君是當時李謫仙

次龍山見贈韻

退石

玄羊八月一帆懸經歲纒窮折木天三島風烟知遠
近春風欲訪羨門仙

呈慕菴尚菴丹崖

龍山

萍水相逢談笑開一時交會氣豪哉那須今日稱賢
國妙術君元扁鵲才

通刺

常齡

僕姓小屋名常齡字子壽號天柱方今來學南

宮喬卿者聞文旆之東敢冒高明以呈鄙詩南學
士成元金三書記及良醫醫負小生固不足取若
一賜電覽且賜高和幸甚

秋月 貴庚幾何常齡 以丙寅生今十九歲秋月 夙

成可愛常齡 浪華不見石太一乎龍淵 石金谷乎

常齡 曰然秋月 君名何常齡 既具名刺名常齡字

子壽常齡 小生友人谷顯仲字字先者今茲遊

平安尋將謁諸公不幸有采薪之憂乃托其詩於

小生以奉呈故賜高和乎秋月 托誰人常齡 高和

托我常齡 余友人谷字先者詩托余故請賜高和

龍淵 行忙未暇容俟他日常齡 西歸時谷字先應

於浪華出謁謹勿過忘龍淵 謹諾常齡 同官二人

何在未來乎慕菴 在於上判事房

呈南秋月

天柱

錦帆無恙御風來邂逅相逢一會開借問滿堂誰得
似翩翩本自不群才

次小屋天柱

秋月

苟與春與雨聲來未訪寒暄筆硯間梧竹清姿鸞鵠

喚越中還有陸郎才

呈成龍淵

天柱

使星遙動靖州天誰識羣賢聚此筵為請新詩如報
我正驚輝煥日生邊

次小屋天柱

龍淵

休言形跡各分天半日文緣在儼筵別恨忽忽那可
道前期猶在百花邊

呈元玄川

天柱

玉節新開西極邊錦帆真向武州天東行自此君接

筆一片芙蓉在目前

次小屋天柱

玄川

湖上孤雲摺針邊雨中疎樹美濃天逢君不及知君
學只記英華助席前

呈金退石

天柱

翻々書記本高才此日遙從使者來佳遇良筵真罕
得何妨容我暫徘徊

次天柱

退石

白頭韓客本無才偶逐仙槎萬里來聞說三山靈草

在携君將欲一徘徊

呈暮菴尚菴

天柱

奉伎遙來日本天鄉關回首白雲懸莫言大藥求
無路試問蓬萊不死仙

次天柱

尚菴

人生人死本由天豈待青囊肘後懸困來着睡飢來
飯只此脩行便是仙

通刺

星河

僕姓太島名要字公樞號星河勢州人方今學

南宮大湫者客歲聞諸公使至吾邦企望日夜天

幸不奪小子之願始接大賢之下風恭喜不可言

謹賦野詩呈南君秋月及三書記幸賜和十襲不

啻伏乞雌黃外文房之具為贊

呈南秋月

星河

縹渺祥雲一片開併着紫氣日東來即今非待音

牛度爭見當羊柱下才

次大島公樞

秋月

筆床茗椀一般閑邨秀州醫帶雨來朝上望湖知有

士山川合是孕奇才

呈成龍淵

星河

極識風流儒雅賢，如今彩筆本翩翩。從來此會稱難繼，應惜相逢即別筵。

次大島星河

龍淵

風雅離亭集數賢，九臯仙翮對翩翩。琴湖烟水醒泉石，剡許詩聲落繡筵。

呈元玄川

星河

風波無恙自西來，萬里蒼茫海色開。今日堂中相值

客推君執苑有奇才

星河公和詩不成，予答玄川未成事出，急迫恐未得

和可恨可恨君幸以此意致，大湫更俟他日星河

稟然則至東武托大湫友人子答玄川謹領

呈金退石

星河

錦帆萬里馭長風，文旆悠向海東。此地風光君到後，使星遙動白雲中。

次大島星河

退石

萬里泠泠列子風，今帆直到廣桑東。令君倘識同胞

義幸得文盟一榻中

通刺

僕姓谷名顯仲字季先號雄江伊勢州朝明縣人也大湫南宮喬卿門人以講授為業聞公等至喜而不寐欲往不能有采薪之憂也故托韻詩於友人天柱小屋子壽者呈公等案下若賜高和足以償夙願已

呈製述官南秋月

雄江

客路江山萬里程錦帆縹緲賦東征由來經術君家

事不羨當年董氏情

和谷季先

秋月

百里松篁擁客程孤雲遠鳥與同征谷中蘭秀難常見春日停車空復情

呈書記成龍淵

雄江

四方俱仰使子賢况復文章漢馬遷也識名山佳麗地行吟更作遠遊篇

呈谷雄江

龍淵

南州遙識楚良賢喬木幽禽幾箇遷細雨離亭違一

會孤懷空和白駒篇

呈書記元玄川

雄江

客中風色動春烟遙向扶桑日出邊多少名山經歷
裡知君拂筆供雄篇玄川無和

呈書記金退石

雄江

日東春至向東過路上山川景勝多中有芙蓉稱白
雪憶君還賦郢人歌

次谷雄江見贈韻

退石

十里青山和睡過醒泉風雨客愁多旅窓竟失同文

會只和峨洋一曲歌

寶曆甲申二月二日韓客憇于尾張於越驛余

輩會學士三書記及良醫等于賓館中

呈製述典籍南秋月啓

伊藤冠峯

仰望龍節度海東俯慶星使膺河清惟秋月南君
筆鼓風雷宵吞雲夢江山為助跋涉以安敬賀敬
賀僕姓伊藤名一元字吉甫伊勢州冠峯下逸民
也久懷慕藺茲接清儀洵千歲奇遇也不勝欣躍
謹賦詩一章以呈左右冀垂昭亮曷勝幸荷

呈南秋月

冠峯

彩鷁翔，翔破浪來。東溟萬里壯，遊哉龍門禹穴君家。
事何讓漢朝太史才。

和伊藤冠峯

秋月

千艘，艦舳駕梁來。拾翠春遊望，渺哉不識冠峯何處。
在熊光怪產奇才。

呈三書記啓

冠峯

玉節錦帆翻，風暎日伏。以諸賢鸞鳳之奇，毛人龍
之英，氣儀表出塵雅，懷絕俗此行也。經秋度春，洋

溟山嶽探勝觀，風援筆擅賦，動履萬福，恭喜可知。

僕輩久聞風彩，幸獲今日之邂逅，景仰之思，頓慰

於茲乎綴巴歌，以摠俚懷，冀淵涵幸賜監諒。

呈正使書記成龍淵

冠峯

仰見朝鮮使節通彬，文質周流，風帶來白玉金剛，

雪散作新詩，落日東。

和伊藤冠峯

龍淵

靈襟不待語言通，香塵冷見古風。莫學君家童子

問白茅黃葦，誤天東。僕姓伊藤故以童子問，與在余

筆語中亦有作仁齋先生而高

陸王餘汎實非聖人之道是復以姓誤耳或指左道或指陸王餘汎要不知所謂也固非僕所業未必

呈副使書記元玄川

冠峯

文旃悠々道路長舟車無恙入東方海風山月春秋色細化珠璣滿錦囊

和伊藤冠峯

玄川

朝日蒼々瑞靄長天書玉節啓東方逢人脩竹長烟下濃紙猩猩毫和繡囊

呈從事書記金退石

冠峯

清秋辭國賦觀濤築紫連山白雪高此日陽春東海道芙蓉神秀對君曹

和伊藤冠峯

退石

痲骨東過萬里濤馬前遙出富山高誰知蝶城萍蓬客日下春風見爾曹

呈良醫慕菴

冠峯

肘後僂方囊自青長傳古聖玉函經東華聞說餘神草特羨人羨有異靈無和

寶曆甲申春二月朔日韓使憩于濃州今須驛

余輩出會製述官三書記者

通刺

僕姓田名立杏字士茂號勝山特來于館下執謁於左右幸賜容接感戴何言

呈製述官南秋月

駿鸞探勝度崔嵬大國風流大史才無限名山神秀氣相鍾更暎彩毫來

和田勝山

秋月

細雨鳴輿下嶺嵬望湖題詠愧非才江濃伯仲佳山

水好事人多問字來

呈正使書記成龍淵

勝山

萬里長江月欲流春風吹送木蘭舟明朝試向蓬萊

望五色雲垂十二樓尾州熱田相傳稱蓬萊

和田勝山

龍淵

江城一路水雲流春色蘭洲繫彩舟細雨幽軒聊暫倚野村烟氣濕畫樓

呈副使書記元玄川

勝山

知君家學自風流載筆追隨仙使舟五色雲中行不

畫錦帆何日入瀛州

和田勝山

玄川

蕭蕭春雨澗添流暗入懸輿蕩似舟山店忽逢佳子弟
語風標認得秀濃州

呈從事書記金退石

勝山

驛上垂楊拂彩霞遠遊詞客此留車携來郢國絃中
雪忽入春風飛作花

退石 此亦江州耶勝山 此濃州也退石 此驛名何

答勝山 呼傲今須退石 此地山川有奇勝耶勝山 山

有雞籠水有藤川退石 此館名何勝山 名藤鋪

和田勝山

退石

春風路入赤城霞藤鋪館前駐使車借問君家何處
在祇應僊圃饒琪花

呈良醫李慕菴

勝山

曙色關門淑景分青牛欲度踏春雲望來鬱勃真人
氣忽作猶龍五彩文

慕菴 盛作頓開塵眸令人欽歎切欲奉和而不可
才荒劣路備甚而且臨行不得奉酬當於西歸之

時奉和耳

勝山賓客中有以獸皮作巾着之人此巾名何龍淵

答賓客中無獸皮作冠者尊必誤見矣勝山此行

諸賓客不飲酒何也龍淵弊邦酒禁甚嚴故宴禮

亦不用耳勝山弊邦鯛魚貴邦亦有之邪若有之

則名之為何龍淵弊邦亦有稱道味魚勝山貴邦

人未冠前頭髮飾法如何龍淵未冠前頭髮飾法

視彼小童勝山貴邦婦人飾髮其形狀如何龍淵

婦人飾髮與貴邦大異用髷用冠冠法從所好樣

甚多勝山賓客中善書法人其姓字如何龍淵善

書法者趙聖賓洪聖源李彥佑勝山貴邦諺文未

審字體幸見示龍淵諺文未暇書示字多故耳僕

輩今當發行不得穩討可恨

退石君業儒耶業醫耶勝山僕業醫退石賤疾甚

苦願煩君一診勝山其所苦如何退石滿悶不能

飲食余乃切寫曰切脉左右弦而數診腹心下痞

鞭肌熱翕々蓋經歷萬里山海為風霜所傷累日

踰月為鬱熱之所致也路入駿州飽觀富山雪色

則煥然冰釋耳退石厚意縉眷多謝

退石君眸彩可愛勝山先生善相耶退石僕不善

相唯可愛故云勝山謬承美譽喜愧兼臻退石今

當發行不能盡區々為恨勝山明日當奉送駕于

尾州於越驛會面在迓可喜

二月三日韓使憇于尾州於越驛僕追駕至此

再會於賓館

龍淵此太今須不邇而君枉駕到此盛意可感勝山

答一違顏範不勝眷戀今復來面審旅况清嘉欣

慰

再呈成龍淵

勝山

佳人挂棹度春風仙袂飄飄彩霧中誰道河源難可

到神遊偏見使臣雄

再和田勝山

龍淵

肩輿徐度萬杏風芝宇重逢古驛中薩劍濃牋光采

並日南元自富材雄

再呈秋月

勝山

曾督書生白鹿城翻經術一家名乘槎遙泛東方

地更使斯文照兩京

再和勝山

秋月

筍輿春暖過江城松竹陰中問地名喜子同來輕茶
蒼可能隨我向東京

再呈元玄川

勝山

天上星文照夜闌果然仙使自三韓請看東海多奇
絕中有勝山紫氣寒

再和田勝山

玄川

今須一面續餘闌識得前州有一韓佳處非山人自

勝華筵相對玉壺寒

再呈金退石

勝山

驛亭追駕暫成歡拂袂垂楊風不寒縱有西歸再遊
約黃鸝頻轉別離難

力病和田勝山

退石

和韓相會一床歡憐我江風病感寒惆悵與君相別
後夢魂飛到美濃難

稟退石初見君已有相愛之心又此做一席文明何
幸如之但別恨悵惆他日願勿相忘也 勝山 君力

尊恙而賜瓊報感謝春寒尚烈幸加保護只待旋
旆之期耳

忝在別席與良醫李慕菴筆語龍淵令尾張某生傳語曰速來於學

士之座余乃入面

龍淵君何忝勝山僕在良醫之座討論醫理耳龍淵

起把余袂即坐分飯及羹加箸于其上以置余前曰餘殘之食以進君余

訖曰肯酒飲燔炙敬受大人之賜謝龍淵

何謝之有

別田勝山

龍淵

玉雪誰家子春風一水涯西歸留好約相待驛亭花

走次成龍淵

勝山

古驛烟霞路送君到水涯春風吹笛起一曲落梅花

龍淵握心乎愛矣何日忘之勝山我有嘉賓中心

賦之

秋月吾欲作別君詩好紙覓出余乃呈一紙秋月

直寫其詩

別田勝山

秋月

田郎相送到沙頭野竹青管別愁州股邨前清淺

水夕陽橋外各分流

走次南秋月韻

勝山

雨餘春色水東頭野竹休題動客愁五十三亭行載
筆如今此別亦風流

寶曆甲申二月二日會朝鮮製述官及書記良

醫於濃州於越驛

呈朝鮮國製述官秋月南公

僕姓星野名貞之字子元號東亭比美野人業醫
者也聞大蠡之東心旌搖有日也天賜良緣得

攀龍門何幸加焉謹裁巴調一篇敢呈左右得賜

高和長以為珍

彩鷁長風破浪深相逢更復動離心雄姿仰見葱
鬱真是朝鮮翰墨林

次星野東亭見贈韻

秋月

山水東南蜿蟺深高人蚤解范公心青囊不是英雄
事可惜撝楠委棘林

再和原韻謝秋月辱賜高和 東亭

傾蓋相逢情更深因知瓊貌復知心若非奉命鄰交

日章得輒攀君子林

呈書記成龍淵

東亭

鷓舟截海星輶乘春涉險冒寒一路平安既達此
土可賀可賀僕北美野人也幸叩館門見貴國風
儀茲呈鄙詩一首得賜高和望外之榮

行盡關河若木陰壯遊堪報四方心何須此日勞重
譯彩筆先傳正始音

和星野東亭

龍淵

長橋遠水漲春陰到處江山悅客心自是周冠通粵

路一林啼鳥總懷音

再和原韻謝成龍淵見和

東亭

少日留歡水驛陰莫聞歸鴈動歸心却欣因賣巴人
調買得陽春白雪音

呈書記元玄川

東亭

海陸千萬里寒燠七八月不憚險不辭勞遙隨三
大使實遂大夫四方志者足下之謂乎僕野人
也雖不可入君子室景注之不可止來執謁下風
敢呈已調願得高和比連城寶

喜見星軺殊域通大夫詩賦自應工憐君萬里來修
好恰似公孫觀國風

和星野東亭

玄川

歷落長橋曉靄通薰篳竹舫走蒿土君家定在榕林
下野外春浮細風

再和前韻謝元玄川見和

東亭

舟車到處信音通奉使仙才賦亦工萍水縱慵言語
異欲酬花鳥與春風

呈書記金退石

東亭

禹穴江淮遊四方發諸文辭者大史公也業也足
下此行庶幾哉僕以野人來執謁薰篳玉樹實慚
形穢茲呈拙詩一首莫惜高和榮幸萬
我冠劍佩映朝陽吹送春風大國香到處若論遷史
業遠遊賦就見飛揚

和星野東亭

退石

春日遲遲已載陽東風路挾橘柑香見君詩律清如
許應得高名海外揚

再和原韻謝金退石見和

東亭

書劍飄飄入尾陽文雄嘗唱日東香仙才元有神
明助不怪詩名擅異鄉

呈良醫李慕菴

東亭

君子至此我未嘗不獲見但以館門誰何甚嚴不
可輒進是以千方百計始來謁聞足下以醫來僕
姓星野名貞之字子元號東亭亦業醫者也幸以
高論垂示何榮加之鄙詩一章謹表嚮往之情乃
得高和珍藏以遺諸子孫

聲名卓比越人賢正見優遊起魏年為是貴邦出沒

草林方下得似神仙

慕菴曰遠來相訪荷不佞以醫來此則詩之唱
和不但所掌行事甚迫當俟西歸之日而尊是

日東名醫則與之論醫理可也

畧于此

於此乎有醫論數
番非有甚奇事故

134
乙